



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM



Seetsa o betsa hlana phetho

3


Ba etela Mohlakang Garden

10



BO-RALIKOLOI BA KORILE

www.moeletsioabasotho.co.ls



Re se re fumaneha ho marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Basotho b'a pitloa

Basotho ba tlokotsing

Nthabeleng Seitlheko

Mokhatlo oa Basotho ba phelang Afrika Boroa o fane ka lengolo la litlelebo Ofising ea Moemeli oa Lesotho naheng eo, moo har'a tse ling o reng haeba moemeli a sitoa ho fihlela litebelo tsa Basotho, a khutlele Lesotho. Tsena li bile ka 4 Motšeanong monongoaha. H'a fana ka lengolo leo ka

ntse ho khutsitse. Mokhatlo o boetse oa bontša hore le 'Musu oa Botswana o ile oa fana ka maikutlo, oa khalemela litlhaselo tseo le ho re bothata ba Afrika Boroa ha se melata.

Lengolong leo, mokhatlo o re o file Moemeli oa Lesotho hora e le 'ngoe feela hore a arabe, kaha ho bonahala ho e-na le tloaelo ea hore mangolo a ngolloang ofisi eo a se ke a fuaa tlhokomelo.

Mopresidente oa mokhatlo, Semenyane Linale, o

tobane le tlikefetso ha ba le linaheng tse ling.

Mopresidente oa Botswana, Duma Boko, h'a bua ka litlhaselo tsena, o itse baahi ba Afrika Boroa ba baleha ho tobana le mathata a 'nete a naha ea bona. O itse bothata ha se melata, empa ke maano a fosahetseng le khaello ea litsebo tse hloka-halang mesebetsing e teng kahar'a naha eo.

Libeke tse 'maloa tse fetileng, likarolo tse fapaneng tsa Afrika Boroa li



'Mantaha, 'Maneo Makhanya o hlalositse hore Basotho ba phelang Afrika Boroa ba tšoenyehile haholo ka tlikefetso eo ba tobanang le eona letsatsi le letsatsi ea matsoalloa a naha eo. O itse Basotho ba ntse ba sotloa le ho hlaseloa letšolong la ho ntša melata kahar'a naha eo.

Makhanya o bontšitse hore se ba tšoenyang haholo ke hore boemeli ba Lesotho bo khutsitse, athe tebello ea bona e ne e le hore bo ka ntša polelo kapa ba bontše hore Basotho ba tla sireletsoa joang maemong ao.

Pejana mokhatlo ona o tsejoang ka lebitso la Hands-Off Basotho, o ile oa re litho tsa oona li makalitse ke hore 'Musu oa Zimbabwe o se o ntšitse lengolo la temoso ho sireletsa sechaba sa ona khahlanong le litlhaselo, ha Lesotho ho

itse ho bonahala Ofisi ea Moemeli oa Lesotho e sa ikemisetsa ho sebeletsa Basotho joaloka ha ho lebelletsoe. O itse basebetsi ba ofisi eo ba lokela ho paka mekotla ea bona ba khutlele Lesotho, haeba ba sa khone ho sireletsa lithahasello tsa Basotho ba phelang Afrika Boroa.

Ho sa le joalo, Phala Ofising ea Tona-Kholo, Mong. Thapelo Mabote, o tiisitse hore 'Musu oa Lesotho ha o e-s'o bue mabapi le litlhaselo tsa morao-rao tseo Basotho ba angoeng ke tsona.

Bahlahlubi ba litaba tsa lipolotiki ba re litlhaselo tsena tsa melata li baka tsitsipano le ho senya likamano tsa Afrika Boroa le linaha tse ling tsa tikoloho. Ba boetse ba bontša hore Afrika Boroa ha se sehlekehleke, ka hona tsela eo baahi ba eona ba tšoarang melata ka eona, e ka baka hore le bona ba

bile le meferefere le lintoa tse lebisitsoeng ho melata, ho kenyeletsa le Basotho. Baahi ba Afrika Boroa ba qosa melata ka ho ba nkela mesebetsi, ho hoeba ka lithetefatsi le ho nka menyela ea moruo.

Litlhaselo tsena li boetse li entse hore bahoebi ba Namibia ba emise ho romela literaka tsa thepa Afrika Boroa, e le mokhoa oa ho sireletsa bakhanni le basebetsi ba bona khahlanong le liketsahalo tsena.

Leha hole joalo, Boemeli ba Naha ea Lesotho Afrika Boroa bo ntšitse lengolo ka la 6 Motšeanong monongoaha, moo ba kopang baahi ba Lesotho ho se nke karolo litabeng tsa boitseko, kaha ho ka beha bophelo ba bona tsietsing, ba eletsoa ho tsamaea ka lihlopa ha ba nka maeto le ho lula ba nkile litokomane tsa bona kamehla, ebile e le tse nakong.

Sesotho se re ngoana ea sa leng o shoela tharing, hape se re selo sa tsuonyana ha se hlomole phakoe. Ruri hlathe e lelekisa tsebe ho beng ba likoloi tsa baeti, kamora nako e telele kannete litefiso li nyolloa. Hangata ho thoe mokopi ke mokokomali, bona hona joale molomo oa ketlele o shebile ka ho bona. Taba ena e etsehala hang kamor'a hore mafura a likoloi a boele a nyolohe ka sekhahla se seholo kamor'a nako e khutšoanayene haholo.

Kopa u tla fuoa, kokota u tla buleloa, 'me le eona mabelle e tsoala katleho. Litaba li rarolloa ka lipuisano. O tla hopola 'mali ea khabane ha se khale ha re khalemela taba tsena, moo Raliphatlato a neng a re "'Hampe kapa hantle'. Ra bontša hore lipuisano li ka tlisa tharollo ea mo-shoelella. Joo! Ke bona mehau ke bona mohlomola hoba sebelelisi ba lipalangoang ba letsatsi le letsatsi hore na e be ba tl'o etsa joang, hobane joale nyollo ea meputso ka ho bona e ea fokola, joale le mesebetsi ke bothata feela. Empa le ka lehlakoreng le leng ho oa tšoana, mafura a nyoloha, libebelitsoa tse lokisang tsona likoloi tsena li ea tura. Rea ba lebohela kamora lilemo tse tharo kaofela.

Pula ke mahlopha a senya, taba ena ea phetoho ea boemo ba leholimo e se e le taba e amang lefatše ka bophara. Mehlang ea khale koana re ne re tseba hore, litaba tse kang tsa likhohola li ne li ama linaha tse itseng feela. Athe morao tjena Naha ea Lesotho ha se mokhelo.

Ka nako ea komello likereke li hase molaetsa oa hore ho rapelloe pula esita le Rabasotho a etse boipiletso bo joalo naha ka bophara. Lekhetlong lena e tlele ka tsela eo re sa e tloahelang ho hang. Ke liboko feela hajoale hobane e sentse hona hoo, e fihlile ka bongata hoo e bakileng likhohola tse tlišitseng hore matlo a oele, a kene metsi, thepa e senyehe, le liphoofole li khangoe ke ona metsi.

Basotho ke batho ba ratang ho utloa ka letlalo, hobane DMA e lula e fana ka thuto hore batho ba khaotse ho haha liphuleng, e le hona ho qoba maemo a tjena, joale sechaba ha se ikamahanye le litaba tseo. Lefapha la tsa bolepi le lula le fana ka tlhokomeliso ea maemo a leholimo letsatsi le letsatsi, hore Basotho ba ipehe hantle ho qoba le ho khaoletsoa ke lehloa ka lithabeng. Empa Basotho ba ntse ba nka maeto leha ho le joalo.

Kamor'a hore e be ho hlahantšoa matona a macha, mokhethoa oa Mahobong o ile a re ha amohele thomo eo a e fuoang, ho latela mathata a hae a bophelo le amang. Ke enoa kajeno o entse hlana phetho, o itoma mohatla. O se a fetohetse maikutlo a hae a pele, o se a amohetse thomo ea ho ba mohlanka. O re o ela hloko mosebetsi oo a tobaneng le ona lekaleng leo a fuoeng boikarabello ho lona. Leha ho le joalo, o boletse hore o na le tšepo ea hore o tla sebetsa le bahlanka ho hlola liqholotso tse tjametseng sechaba. O re o ile a eletsoa ke sechaba sa habo sona se mo fileng thomo ea ho ea paramenteng a eo se sebeletsa ka tieo le ka 'nete eohle.

Le leng la matona a macha le bontšitse le tl'o tlosa batho kahare ho bobolu. La re polelo eane ea: Lepolesa Mofusi Motsoalle e boele e khutle hape. E le hore sechaba se be le tšepo hape ho sepolesa. Mongoli oa Makala a mabeli o re hoa tšosa hore e be lekala le kopane le sepolesa, empa ke hona moo o bonnang bosenyi le botlokotsebe bo le ho-limo, joale ba tla tseba joang ho thusa Makala a mang?

Basotho rea bona ba etsoa matonomapesa kahare ho Naha ea Afrika Boroa eona eo e re potapotile re le Naha ea Lesotho. Ruri rea ipiletsa ho ba nang le boikarabello ho ea lipuisanong le naha ena, ruri Basotho ba sotlehile, ba lula ba phasa-phasu bosiu le motšeaare ho thoe ke melata ba nkela sechaba sa moo mosebetsi. Na ehlile ke bona bothata? Kapa naha eona ka boeona e na le mathata ka batho ba hloka litsebo? Che re sa behile letsoho phatleling re bone na qetello ke efe ka sechaba sena sa Rantšō.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLING (LUKE 1, 17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

Seetsa o betsa hlana phetho

Nthabeleng Seitlheko

Mokhethoa oa Lebatooa la Mahobong Nk-hethoa Seetsa, o nkile kano ka la 4 Motšeanong monongoaha, kamor'a ho fetola maikutlo a ho hana ha a thonyetsoa hoba Letona la Tsa Lehae, Borena le Sepolesa. Ba bang ba Matona a macha, ba bararo ba nkile kano bekeng e fetileng ka Labone.

Seetsa o boletse hore o ela hloko mosebetsi oo a tobaneng le ona lekaleng lena, a tiisa hore o tla sebeletsa sechaba sa Basotho ka tieo. A re ka ho ba setho sa Ntlo ea Bakhethoa Paramenteng ea Leshome, o se a batla a tseba litaba tsa Puso ea Libaka le Borena.

"Kea lemoha hore ke tobane le mosebetsi o boima ho phethahatsa thomo ea



bohlanka. Leha ho le joalo, ke na le tšepo ea hore re tla sebetsa le bahlanka ho hlo-la liqholotso tse tjamentseng sechaba mabatoeng ka ho fapakana.

A re har'a tseo a ithutileng tsona, ke hore ho na le ti-

hokahalo e kholo ea litsela mabatoeng ohle, hammo-ho le litaba tse tobaneng le borena. O itse o amohetse thomo kamor'a ho eletsoa ke sechaba sa habo hobane thomo o e amohela ho tsoa ho bona.

Har'a matona a macha ke Letona la Litaba tsa Lehae, Mohlomphehi Voetsa Cheka, o itse sepheo sa hae se sehlo ke ho khutlisetsa tšepo ea sechaba mapoleseng. A re o tlameha ho sebetsa ka thata ho etsa bonnete ba hore Basotho ba ikutloa ba sireletsehile malapeng a bona le mebileng, a re tšireletso ha se khetho, ke tokelo ea motho e mong le e mong.

O boetse a supa hore tšebeliso lipakeng tsa mapolesa le sechaba, ke senotlolo sa katleho. A re litabeng Tsa Lehae teng, o tli'o sebetsa ka thata hore sechaba se fumane libukana tsa ho eta le likarete tsa boitsebiso habobebe.

Ho sa le joalo, Letona le lecha Ofising ea Tona-Kholo, Mohlomphehi 'Makatleho Motsoasele, o supile hore e le letsoho la Tona-Kholo o tla sebetsa ka thata ho fihlela lithoko tsa Basotho.

Ka lehlakoreng le leng, eo e neng e le Letona la Litaba

tsa Machabeng, eo ha joale e seng e le Letona la Matla le Merafo, Mohlomphehi Lejone Mpotjoane, o hlalositse hore o tla ntšetsapele lekala lena la bohlokoa. A re lekala la matla le merafo le nkoa e le senotlolo sa kholo ea moruo, kaha le ama tšebeliso ea motlakase le lisebelisoa tsa tlhohleho.

Mpotjoane o boletse hore o tla shebana haholo le ho netefatsa hore naha e fumana melemo e feletseng ea lisebelisoa tsa eona tsa tlhohleho. "Re tsoanetse ho sebetsa ka bohlahe ho sireletsa le ho sebelisa lisebelisoa tsa rona ka tsela e tlišang molemo ho Basotho bohle." Ho boletse eena.

A boela a supa hore ho tla hloka hahala tšebeliso le batseteli ba kantle ho naha, empa ho etsoe bonnete ba hore litumellano tsohle li sireletsa lithahasello tsa naha. "Ha re batle ho ba barekisi feela ba lisebelisoa tsa rona, re batla ho ba balekane ba nang le matla." A rialo.

Mohlomphehi Selibe Mochoboroane o tlohile Lekaleng la Bophelo o ea Lekaleng la Temo.

Mohlomphehi Lebona Lephema o tloha Lekaleng la Puso ea Libaka, Borena, Litaba tsa Lehae le Sepolesa o ea Lekaleng la Khoebo, Mesebetsi e Mholo le Kholiso ea Khoebo. Mohlomphehi Lejone Mpotjoane o tloha Lekaleng la Litaba tsa Machabeng o ea Lekaleng la Matla le Merafo, ha Mohlomphehi Thabo Mofosi a tloha Lekaleng la Temo a ea Lekaleng la Tikoloho le Meru. Mohlomphehi Limpho Tau o tloha Ofising ea Tona-Kholo o ea Lekaleng la Litaba tsa Machabeng, ha Mohlomphehi 'Mamokete Ntšekhe eena e le Letona le lecha la Bophelo.

Ho feta mona, ba babeli bao e neng e le matona, Mokhethi Shelile le Letsema Adontši, ba behelletsoe ka thoko mosebetsing.

Tlhapantšo ena e etsoa ho ipapisitsoe le liphatlatso tsa molao tsa linomoro tsa mashome a mararo a metso e robong tsa 2026, tse mabapi le tokollo ea matona, tsa mashome a mane tsa 2026 tse mabapi le ho fuoa boikarabello bo bocha, hammoho le tsa mashome a mane a motso o mong tsa 2026 tse mabapi le ho thongoa ha matona le ho fuoa boikarabello makaleng a fapakaneng.

Litaba tse na li latela ho ntlafatsa tsamaiso ea puso, 'Musu oa Lesotho o phatlalalitse phetoho le tlhokolo kahare ho Lekhotla la Matona bekeng e fetileng, moo ho ileng ha e-ba le matona a mane a fuoeng mesebetsi e mecha.

Litefiso tse ncha li kena tšebetsong

Nthabeleng Seitlheko

Boto ea Lipalangoang tsa Sechaba e phatlalalitse keketseho e ncha ea litefiso tsa lipalangoang tsa sechaba, e tla qala ho sebetsa ka la 11 Motšeanong. Litaba tse na li hlahelletse mokeng oa bo-ralitaba oa la 7 Motšeanong monongoaha.

Ho latela phatlalatso eo, litefiso tsa li tekesi tsa lehae, li tla nyoloha ho tloha ho M12.00 ho ea ho M15.00, ha tsa mapehele tsona li tla tloha ho M13.00 ho ea ho M17.00. Ka lehlakoreng le leng, litefiso tsa libese le li-sprinter li tla ba M10.00. Boto e boletse hore litefiso tsa maeto a malelele tsona li ntse li tla phatlalatsoa hamorao.

Keketseho ena e se e bakile maikutlo a fapakaneng har'a sechaba, haholo nakong eo Basotho ba bangata ba ntseng ba lla ka ho phahama ha litheko tsa bophelo le tlhokhalo ea mesebetsi.

Ba bang ba bapalami ba re keketseho ena e tla ba ime-la haholo, kaha bohlo ba batho ba sebelisa lipalangoang letsatsi le letsatsi ho ea mosebetsing, sekolong le Litsing tsa Bophelo. "Bophelo bo se bo ntse bo le boima, hona joale le lipalangoang lia nyoloha. Moputso ha o nyolohe empa litheko tsohle lia phahama." Ke ba-



palami.

Moithuti e mong oa sekolo sa thuto e phahameng ka har'a Maseru, Limpho Lenono o itse keketseho ena e tlo ama haholo baithuti ba itšetlehileng ka chelete ea batsoali kapa ea likalimo. "Re tsamaea letsatsi le letsatsi. Ha litefiso li nyoloha hakana, ho bolela hore le chelete ea lijo kapa ea libuka e tla fokotseha." Ke mantsoe a hae.

Leha ho le joalo, bakhanni ba bang ba lipalangoang ba re keketseho ena e ne e se e hloka hahala ka lebaka la theko tse ntseng li phahama tsa mafura a likoloi, lisebelisoa tsa tsona le litšenyehelo tsa bophelo.

Mokhanni e mong Rasello Fubetsoana oa Ha Makhoathi, Maseru, o boletse hore khale ba ntse ba sebetsa ka thata empa phaello e le nyane. "Mabili, mafura le likarolo tsa likoloi li turu haholo. Le rona re tsoane-

e tlaase le ba sa sebetseng. Ba bang ba boetse ba bontša matšoenyeho a hore keketseho ena e ka baka ho nyoloha ha theko ea thepa le litšebeliso tse ling, kaha lipalangoang li ama khoebo le bophelo ba letsatsi le letsatsi.

Leha maikutlo a sechaba a fapakane ka litaba tse na, bahoebi ba likoloi ba thabile, ba re le bona ba imetsoe le mesebetsi e'a fela hobane ba sa khotsofatse beng ba thepa.

Mookameli oa Mokhatlo oa Baji, Nkareng Letsie, o itse ha ho khang hore likoloi li ka nyoloha ka boemo bona, hobane khale ba entse kopo ba sa nyolleloe, leha bophelo bo le boima, mesebetsi e le sieo, empa bohle re loke-la ho utloela beng ba khoebo bohloko hobane le bona ba phelisa malapa.



MOELETSI O TŠEHETSA BACHA

Tšeliso Thakholi

Napo Mohlakatu-ka ke mohlankana ea lilemo li 26, ke e mong oa bahoebi ba ntseng ba thuthuha ea sebelisang joang le lipolatisiki ho etsa har'a tse ling mekotla, likatiba tse ntle tsa Hlabula le meseme. Ka talenta ena o tseba ho iphelisa le ho phelisa ba lelapa la hae. O boetse ke setaki sa masela le lintšoantšo tsa boemo bo holimo. Leha a ntse a iteka joalo, seboko sa hae sa phohomela ke sa Basotho ba halalang mosebetsi oo a o etsang empa e le oa boleng bo ikhethang.

QALEHO EA TŠEBETSO

Ke qalile tšebetso ena

ea ka ka selemo sa 2020, nakong e neng e le thata haholo ea seoa sa COVID-19, e leng se ileng sa thefula likhoebo lefatše ka bophara. Ke ile ka hlokomela neo ena ea ka ha ke qeta ho etsa lithuto tsa mesebetsi ea matsoho tse kang tsa ho 'dyer' masela, ho roka, ho loha le ho khabisa ka matlo, Sekolong sa Mahlale le Mesebetsi ea Matsoho sa Limkokwing. Haele Sekolong se Phahameng sa Lesotho, ke ne ke atlehile thutong ea botaki feela, kaha e ne e le eona eo ke neng ke e tseba le ho e thabela haholo. Ho bua 'nete talenta ena ke e filoe ke Morena Molimo hobane ha se ntho eo ke ithutileng eona, empa ke ile ka e matlafatsa ka ho ea sekolong.

TJANTJELLO LE KHOTHALETSO

Tjantjello le khothaletso

ea hoba le lerato la neo ena ea ka e bile tsona tsa bohlokoa haholo. Malome oa ka ke eena ea ileng a hla a nkhotahletsa ka matla ho ntšetša neo ena ea ka pele kaha eena ke setaki, o etsa litšoantšo tse ntle ka mefuta eohle ea tsona, 'me ke ile ka ikakhela ka setotsoana mosebetsing oa ho matlafatsa tšebetso ea ka. Malome a boela a nkisa sekolong sa ho khabisa le ho 'dyer' lipo-lasetiki Khauteng.

THEKISO EA THEPA

Ke tsebahatsa le ho rekisa lihlahisoa tsa ka ka ho kena ntlo le ntlo, le ho tsamaea kahar'a toropo ea Maseru e le hona hore bareki ba tsebe ho reka lihlahisoa. Ke hlokometse hore thepa ena e rekoa haholo kahar'a toropo ea Maseru, Berea le Maputsoe e leng hona moo ke nang le mek'huk'hu oo ke rekisetsang ho ona.

Ka letsatsi ke atisa ho etsa chelete e kaalo ka M250.00 ha maemo a le matle, empa ha lintho li sa tsamaea hantle ke etsa M150.00. Ke boetse kena le 'li-ordara' tse tsoang kantle ho naha, che, leha li se ngata haholo, kaha ke ena le bareki ba bararo ho tsoa Johannesburg le Qwa-Qwa naheng ea Afrika Boroa. Ba reka haholo limmete le likatiba.

LIQHOLOTSO

Tlhokahalo ea setsi sa thekiso ea thepa ena ke e 'ngoe ea pharela tse ngongorehisang bahlahisi. Haesale ho e-cha ntlo ea Mokorotlo khubung ea Motse-Moholo Maseru, ehlile bothata bo boholo. Maseru mona re rekisetsa thepa ea rona libakeng tse sa sireletsehang tse ha pula e e-na ka matla joaloka hona joale re sitoang ho rekisa.

TORO

Takatso ea ka ke hore sechaba se ntsebe naha ka bophara le hore ba nchebe ka leihlo la ho ba mohoebi ea etsang thepa. Ke lakatsa hape ho ka fumana mechini e mehlano eo ke tla tseba ho hlahisa thepa e ngata ka nako e khutšoanyane. Thapeli ea ka ke hore Basotho ba ke ba re tšehetse le hore 'muso o ke o batalatse mabala e le hore lihlahisoa tsa rona li tle li tsebe ho kena mebarakeng ea machaba.

KELETSO HO BACHA

Bacha ba eme ka maoto ho iphelisa ka litalenta tse fapakaneng tseo ba nang le tsona, metseng moo ba phelang teng. Ke ba khotahletsa haholo ho qala khoebo ka litšehenyelo tse tlaase, le hoba le mamello ha ba kopana le liqholotso hoba khoebo ha se potele e khoathoang ka lehlaka.





Likhohola li ama malapa

Nthabeleng Seitlheko

Kamor'a lipula tse matla tse neleng matsatsinyana, malapa a mangata libakeng tsa Borokhoaneng, Ha 'Nelese, Ha Mabote, Motimposo, Ha Leqele, Ha Tšiu le Thaba-Khupa a tobane le koluoa e kholo kamor'a hore likhohola tse matla li aparele metse ea bona. Litaba tsena li hlahetse puisanong le karolo e 'ngoe ea baahi ba amehileng ka la 6 Motšeanong monongoaha.

Tšenyō e bakiloeng ke metsi e bonahala hohle ho potoloha le libaka tse amehileng, matlo, lijalo, meh-lape, meaho le thepa ea sechaba li senyehile.

Libaka tsena 'moho le tse ling, li bile le likhohola ho tloha bekeng e fetileng ka leb-

aka la lipula tse matla, 'me malapa a Borokhoaneng a amehile haholo.

E mong oa baahi ba Borokhoaneng Tefo Mokorosi, o hlalositse ka bohloko kamoo a ileng a leka ho baleha metsi a neng a nyoloha ka potlako ho fi-hla kaholima mangole, ha thepa ea ka tlung e ntse e phaphamala ka metsing. O itse ho tloha ka 'Mantaha bekeng ena, eena le mora oa hae ba ile ba tlameha ho robala kahar'a koloi ea khale, ho qoba ho hoholoha ke metsi le ho hatsela.

Ka lehlakoreng le leng Refiloe Khomohaka oa Borokhoaneng o re o lahlehetsoe ke likhoho tse 200, tseo a neng a rerile ho li rekisa Moqebelo ona. O bole-tse hore o ne a nkile chelete mokhatlong oa basali ho reka litsunyana tseo, moo a neng a rerile ho khutlisa mokoloto kamor'a thekiso, empa joale tsohle li senye-

hile ka letsatsi le le leng. "Ke setse ke tšepile ntho eo ke sa e tsebeng, hobane ha se



likhoho feela tse amehileng ntlo le thepa ke bothata." Ke eena eo.

E mong oa baahi ba

Upper Thamae Mabonang Ralejoe, ea lulang mok'huk'hung le litho tse

hang metseng e amehileng. Likhohola tsena tsa morao tjena li boetse li bontša ka-

ling tse tšeletseng tsa le-lapa, o itse ba ile ba lokela ho robala ha moahisani ka Labobeli bosiu, kaha ntlo ea bona e ne e tletse metsi.

H'a bua ka boemo bo tšoanang, Kefuoehape Nketle oa Ha Tšiu o itse ntlo ea hae ea mobu, ea kamore e le 'ngoe e ile ea putlama ka Labobeli bosiu, hoo ba ileng ba tlameha ho robala ka mok'huk'hung o monyenyanee oo a neng a ruela likhoho ho oona.

Baahi ba libaka tse anngoeng ba se ba ipiletsa hore ho matlafatsoe mekhoha ea tšireletso khahlanong le likhohola le hore ho fanoe ka thuso ea potlako ho aha matlo le meaho bocha e senyehileng.

Ho sa le joalo, lihlopha tsa District Disaster Management Team (DDMT), li rometsoe ho ea hlahloba tšenyō le ho fana ka thuso ea hang-

moo Lesotho le leng kotsing e kholo ea phetoho ea maemo a leholimo, kaha likhohola le lifefo li baka ho feta 90% ea likoluoa tsa tlhaho tse etsahalang selemo le selemo tikolohong ena.

Libaka tse ling tse anngoeng ke likhohola li kenyel-tsa Majoe-a-Litšoenne, Koalabata, Ha Tšosane, Ha Makhalanyaane, Qoaling, Lifelekoaneng le Mo-shoeshoe II.

Ho feta mona, litaba tsa phetoho ea boemo ba leholimo ke qholotso e kholo eo sechaba se sengata se bonahalang se sena tsebo ka eona, ha batho ba bang ho utloahala ba ahile matlo libakeng tseo ho nang le liphula le mekhoabo e ileng ea omella ka nako ea komello, hoo e reng ha lipula li le matla li e bang teng hape, e be bophelo ba sechaba bo ba tlokotsing.



Ntoa khahlanong le HIV ha e-s'o fele-Masiu



ba hlahang ba se na HIV e ntse e eketseha, ha phetiso ea HIV ho tloha ho 'mè ho ea ho lesea e theohetse ho hoo e ka bang 5%. Bacha le bona ba se ba qala ho sebelisa haholo mekhoha e mecha ea tlhahlobo ea HIV le meriana ea thibelo e tsejoang e le PrEP le LENACA-PAVIR.

Leha ho le joalo, Masiu o ile a lemosa hore ntoa khahlanong le HIV ha e e-s'o fele, kaha banana le basali ba banyenyane ba ntse ba angoa haholo ke tšoaetso e ncha. O itse banna ba bangata ba ntse ba lieha ho etsa liteko tsa HIV kapa ho sebelisa litšebeliso tsa bophelo, sekhobo le tšabo li ntse li thibela batho ho batla thuso. A boela a hlokomelelise hore litšebeliso tsa thibelo ha li fihle habonolo libakeng tse hole, haholo metseng ea mahaeng.

Ba phethetse ka ho re Lesotho le na le bokhoni, tsebo le boitlamo ba ho felisa HIV, haeba mekhatlo eohle e ka sebetsa 'moho ka tieo le ka botšepahi.

Paramente ea Lesotho le eona e tšepisitse ho netefatsa hore maano a thibelo ea HIV a fumana tšebetso ea lichelete le ho kengoa tšebetsong ka katleho.

Ka lehlakoreng le leng, moemeli oa South-to-South HIV Prevention Learning Network, Muhammed Khan, o itse kopano ena e fana ka

monyetla oa ho hlahloba hore na lichelete tsa thibelo ea HIV li ka sebelisoa joang hantle ho fihlela moloko o se nang HIV. O boetse a re puisano ena e tla thusa linaha ho lekola katleho ea mehato eo li seng li e sebelisa, le ho supa likheo tse hlohang tlhokomelo e potlakileng.

Khan o boetse a hlokomelisa karolo e mafolo-folo eo Lesotho e e bapalang kahare ho mokhatlo ona, a re sena se bontša boitlamo ba naha ba ho ntšetsa pele maano a tsepamisitseng maikutlo thibelong le ho kenya letsoho ka bohlokoa lipuisanong tsa tikoloho le tsa lefatše mabapi le ntoa khahlanong le HIV.

H'a bua lebitsong la Motsamai e Moholo oa NAC, Tiisetso Piet, o netefalitse boitlamo ba k'homishene ba ho matlafatsa likamano le ho atolosa mehato ea thibelo ea HIV e thehilong bopaking.

O hatelletse bohlokoa ba tšebeliso e tsoelang pele har'a bankakarolo, ho netefatsa hore tsoelo-pele e seng e fihletsoe ha e bolokoe feela empa e'a potlakisoa.

Kopano ena e lebelletsoe ho kopanya baetsi ba melao, litsebi tsa bophelo le balekane ba ntšetsopela ho buisana ka maano a sebetsang a tla ntlafatsa mananeo a thibelo ea HIV Lesotho le linaheng tse ling.

Nthabeleng Seitlheko

National AIDS Commission (NAC), ka tšebeliso 'moho le mokhatlo oa South-to-South HIV Prevention Learning Network, o tšoare kopano e reretsoeng ho matlafatsa mananeo a naha a thibelo ea HIV ka mokhoa o akaretsang oa Pan-Prevention. Tsena li bile Maseru ka la 6 Motšeanong monongoaha.

H'a bula kopano ena, Motlatsi oa Mongoli e Moholo Lefapheng la Bophelo, Mofumahali 'Mantšoanelo Monyobi, o hlahositse ho kenngoa ha Lesotho e le setho sa bo 16 sa South-to-South HIV Prevention Learning Network, e le mohato oa bohlokoa. O itse sena se fa Lesotho monyetla oa ho arolelana boiphihlelo ba lona le ho ithuta ho linaha tse ling tseo e leng litho tsa mokhatlo mabapi le maano a sebetsang a thibelo ea HIV.

Monyobi o bontšitse hore leha Lesotho e ntse e le 'ngoe ea linaha tse anngoeng haholo ke HIV le AIDS, naha e se e fihletse tsoelo-pele e kholo, ho kenyelletsa ho fihlela le ho feta lipheo tsa lefatše tsa 95-95-95. O itse kopano ena e tla sebetsa e le sethala sa hore bankakarolo ba arolelane tsebo, ba matlafatse tšebeliso-'moho le ho fumana mekhoha e mecha ea ho boloka le ho potlakisa boitekoko ba thibelo ea HIV.

Lesotho e har'a linaha tse anngoeng haholo ke HIV lefatšeng, ka palo ea batho ba baholo ba phelang le HIV e hakanyetsoang ho 17.1%. Naha e se e fihletse ebile e fetile lipheo tsa lefatše tsa 95-95-95 tsa UNAIDS, leha bana le banna ba ntse ba salletse morao kalafong le taolong ea kokoana-hloko.

Ho tloha ka selemo sa 2010, tšoaetso e ncha ea

HIV e fokotsehile ka 83%, e leng se bontšang hore Lesotho e ntse e atamela sepheo sa ho fokotsa tšoaetso ka 90% pele ho 2030. Leha ho le joalo, lipalo li bontša hore batho ba ka bang 3,200 ba ntse ba tšoaetsoa HIV selemo le selemo, haholo-holo banana le basali ba banyenyane. Phetiso ea HIV ho tloha ho 'mè ho ea ho lesea e ntse e le bothata bo hlohang tlhokomelo e matla.

Mokhatlo oa South-to-South Learning Network o tla thusa Lesotho ho ithuta mekhoha e sebetsang ea thibelo ea HIV, ho linaha tse kang; Kenya, Eswatini le Uganda. Kopano e boetse e shebane le ho matlafatsa litšebeliso tsa bophelo, ho sebelisa bopaki le liphuputso ho tataisa maano, ho nt-

lafatsa lichelete tsa thibelo ea HIV, le ho matlafatsa mananeo a shebaneng le batho.

Molula-Setulo oa Komiti ea Paramente ea Mafu a Seo, Paul Masiu, o itse ho kenella ha Lesotho mokhatlong ona ho tla thusa naha ho ithuta kapele, ho sebetsa ka bohlale le ho fumana tharollo e sebetsang mathateng a amanang le HIV. O bontšitse hore leha Lesotho le ntse le le har'a linaha tse anngoeng haholo ke HIV lefatšeng, naha e se e entse tsoelo-pele e kholo lilemong tsa morao tjena.

Ho ea ka eena, batho ba fetang 95% ba tsebang boemo ba bona ba HIV ba se ba le kalafong, 'me bongata ba bona ba laola kokoana-hloko ka katleho. O boetse a re palo ea bana

SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tsena ho marang-rang a Akello Library

Prepare good People for The Lord

TIPS TO ACCESS

<https://library.akello.co/downloads>

Steps to Access our Books on Akello Online Library

1. Visit Akello Library: Go to (<https://www.akellolibrary.com/>) or download the app on the link provided above.
2. Sign Up/Log In: Register or log in with your account.
3. Search: Use the search bar to find "Mazenod Book Centre" or specific book titles.
4. Select a Book: Click on the desired book to view details.
5. Borrow or Buy: Borrow free books or purchase premium ones as needed.
6. Read: Access the book online or download it for offline reading.

SELEMO

LIFELA TSA BAKRISTE

LINOVENA

22 322 213 / 27 350 562

FOR MORE INFORMATION

maserubookcentre@gmail.com / bookcentre@mazenodprinting.co.ls

WHO le Lekala la Bophelo li chorisa Baphatlalatsi

Nthabeleng Seithleko

Lekala la Bophelo ka tšebeliso-’moho le Mokhatlo oa Lefatše oa Bophelo (WHO), le tšoere koetliso ea letsatsi le le leng bakeng sa bo-ralitaba, ho ba chori- sa ka ho tlaheha litaba tsa bophelo tlas’a sehlooho se reng: “Ho Tlaheha Litaba tsa Bophelo ka Nepo: Ho Ema le ‘Science’.” Litaba tse na li bile ka la 5 Motšeanong monongoaha.

H’a bua ketsahalong ena, Motlatsi oa Mongoli e Moholo Lekaleng la Bophelo, ‘Matšoanelo Monyobi, o itse Letsatsi la Lefatše la Bophelo le mema batho hohle ho ema le ‘Science’ le ho amohela matla a tšebeliso ho sireletsa bophelo ba batho, liphoofole, limela le tikoloho.

Monyobi o hateletse hore lefatše lena le fetoha ka pot-



moemeli oa mokhatlo oo, Dr. Nuwagira, o hlalositse bo-ralitaba e le basebet- si ba ka pele ntoeng ea

Motsamaisi oa Litšebeliso tsa Bophelo, Dr. Llang Maama, o kopile boikarabello bo kopanetsoeng le tšebeliso-

’ngoe feela, a khothaletsa mebuso le mekhatlo ho itšetleha ka bopaki ba ‘Science’ ha e etsa liqeto.

o hlalositse hore likoetliso li bohlokoa, ‘me ho lula ba koetlisoa ho ba thusa ho ruoa tsebo tse ntlafetseng, ho ba le boiphihlelo bokamosong ba bona, ba ho ngola le ho tlaheha litaba ka lereng hoo ho matlafatsa mekhoha ea bona ea ngola litaba.

O re ho bohlokoa hore Lekala la Bophelo ka mafapha a lona a fapakaneng ba qoqisane le bona, le ha e se ka thupelo ea nako e telele, empa ba ke ba bue litaba tse amang sechaba khafetsa, hobane batho ba bang ba etsa seo ka lebaka la ho hloka tsebo, joaloka tšebeliso e mpe ea lithlare.

O phethetse ka hore ha tsebo ea bona e chorile le sechaba se ba joalo habonolo, se hlokalalang ke koetliso e nang le setsoalle le bophatlalatsi ho ntlafatsa bophelo ba sechaba, kaha litaba tsa bophelo li ama bohle ho se khethollo ea letho.



lako, puisano e sebetsang e bohlokoa joaloka tsebo ea mahlale. O boletse hore koetliso ea bo-ralitaba e ba fa bokhoni ba ho hlalosa litaba tse fapakaneng tsa bophelo ka tsela e hlakileng, e nang le boikarabello le e kholisang ho batho ba mefuta e fapakaneng.

O boletse a bontša hore tšebeliso-’moho ke senotlolo sa tsoelo-pele ho ‘Science’ le bophelo. “Ha ho na katleho ea bophelo bo botle kapa liphuputso tsa ‘Science’ tse ka fihlelloang ke motho a le mong,” ho boletse Mofumahali Monyobi. O khothalelitse bo-ralitaba ho totobatsa bohlokoa ba tšebeliso, tšepo le ho arolelana tsebo ho ntlafatsa bophelo ba sechaba.

Ka lehlakoreng la WHO,

bophelo, kaha litlaleho tsa bona li ka pholosa bophelo kapa tsa hasanya tlhaiso-leseling e fosahetseng. O khothalelitse bo-ralitaba ho tlaheha ka nepo litaba tsa bohlokoa tse kang taolo ea kokoana-hloko ho masea le mahlale a macha a tlhahlobo ea mofetše oa popelo.

Nuwagira o ile a lemosa hore tlhaiso-leseling e fosahetseng, haholo-holo mabapi le liente le mofetše, e ka hasana ka potlako ho feta mafu, e leng se ka thibelang batho ho batla kalafo.

O ile a boela a khothaletsa bo-ralitaba ho netefatsa tlhahiso-leseling le litsebi, ho buisana ka likotsi ka boikarabelo le ho ema ka tieo ho sireletsa bopaki ba ‘Science’.

Ka lehlakoreng le leng

no ea lefatše ho sebetsana le mathata a bophelo.

O hatelletse hore ha ho naha e ka sebetsanang le mathata a bophelo e le



Moshoeshoe I Airport e ruleloa ka mokhoa o tsoileng 'fesheneng'

Re bua ka meaho ea rona

Motho ha u sheba moaho oo oa 'terminal' ka mahlo, u bona ntho e ntle e bohehang, e khahlang mahlo. Homme ke hantle ha ho le joalo, ebile e ka ba hantle ho feta ha o ka sebelisoa ka nepo oa tsoela sechaba molemo. Mobu kapa libaka tseo re li filoeng re lokela ho li boulela, ho li khabisa le ho li hlokemela.

•Joale re bua ka moaho ona hee! Tsela eo o ruletsoeng ka eona. Ha u shebisisa, o eme ka lehlakoreng la oona, u tla bona hore bohareng ba ona marulelo ha a ea sekama, ha a qhale

metsi kapele. A qala ho sekama hantle ha a leba mahlakoreng a kathoko. Joale lintho tse kang lehloa, sefako, haholo se mona se se sesanyane li ka itulela nako e telele holim'a marulelo mono. Ho tla etsahala ke hore boima ba lehloa kapa sefako bo ka bula masoba a masesanyane marulelong. Ha li qhibiliha, marulelo a tla fetoha ntho e kang sefe, ebe metsi a kena ka tlung ka bongata, ho latela tsela eo lehloa le khethehileng ka eona, kapa hore na sefako se nele hakae.

Litlamorao

Litlamorao tsa ketsahalo ena li ngata, li bohloko.

Mehlala e seng mekae;

1) Moaho ha o sa bolokehile, ho phela kapa ho sebetsa kahare ho ona ha ho sa bolokehile.

2) Thepa e ka moahong ea senyeha, ke lichelete tse ileng le moholu le mala. Re sa le hona moo na rea tseba hore na lijo tse ileng le moholu le mala na li ea hokae? Ha li fetohela karolo e holisang kapa e matlafatsang 'mele, empa lia feta li fella mohlapaneng koana.

3) Botle bane boo re ileng ra bua ka bona bo ea fifala.

Taba tsena ha se t'somo. Re ile ra bona matlo a neng a ruletsoe tjena lilemong tsa ho feta ha

lintho tse tjena li etsahala. Ha thepa, likobo le materase li ne li anehoa kamorao ho pula tse joalo. E le hobane li kolobile tee! Marulelo a mangata a joalo a ile a fetoloa sebopeho, hoa etsoa hore a qhale metsi kapelenyana ha pula e na. E le ho qoba t'senyeha e kang ena.

Litholoana tse bosula

Ha tsena tse boletsoeng kaholimo li ka etsahala, li ka re bakela bolutu bo bohola. Re ka utloa ho se ho thoe, ho eketsoa M100Millione, hore moaho o tsebe ho phetheloa hantle. Re ke ke ra utloa ho thoe; uena mokonter-

aka lefa lit'senyehelo tsa thepa le nako e senyehileng. Hobane nako ea hore moaho o sebetse e ntse e chechella morao, 'me e tla tlisa bosula t'sebetsong ea lifofane kahare ho naha ea rona. Chelete e ngata hakana e lulang e reka ntho e sa phethahaleng ena, eka sebelisoa mererong e meng e bohlokoa le molemo sechabeng.

Re mpa re re; ho shebisise lintho hantle e le hore ntho tse bolutu tse na li se ke be tsa etsahala.

Ntate Thota Moli

Matona a itlama ho phephethela bobolu

Nthabeleng Seitlheko

Lekala la Puso ea Libaka le Borena 'moho le la Litaba Tsa Lehae, le Mongoli e Moholo oa makala ao, ba amohetsoe le ho hlalisoa kapela basebetsi ba ona, ka la 4 Motšeanong monongoa.

H'a bua kopanong ena Letona le lecha la Litaba tsa Lehae, Mohlomphehi Voiswa Tseka, o itse kaha a se a thonngoe ho ikarabella lekaleng lena, o tlii'o sebetse ka matla ho bona hore batho ba tlosoa ka hare ho bobolu.

Tseka o tsoetsepele hore leha Lekala la Litaba Tsa Lehae le la Puso ea Libaka le Borena a se a tla sebetse a arohane, boipiletsa ba hae ke hore ho bonahale eka a ntse a sebetse 'moho. O boetse a ipiletsa ho Mongoli e Moholo oa makala ana ho sebetse ka matla ho bona hore mosebetsi oa etsoa.

Tseka o itse polelo e reng "Lepolesa ke Mothusi ebile ke Motsoalle" h'a sa e bona morao tjena, kaha batho ba se ba sa tšepa mapolesa, haholo nakong eo sechaba se khathallang lipotsong. "Ke kopa sepolesa sa heso hore re khutleleng morao mane, moo re neng re tseba hore re tšabela ho lona." A rialo.

Ho sa le joalo, Letona la Puso ea Libaka le Borena, Mohlomphehi Nkhethoa Seetsa, o hlalositse hore o fuoe mosebetsi oa puso ea libaka le borena, empa

boipotso ba hae ke hore na ke hobaneng litšebeliso li sa ntšetsoe pele. O ipilelitse ho bohloko ba makala ana a mabeli hore bo sebetse bo sa furallane.

A re thomo eo a e fuoeng ea ho tataisa Lekala la Puso ea Libaka le Borena e boima, empa a tiisa hore o tlii'o sebetse hore Naha ea Lesotho e tsoele pele.

Ho feta mona Seetsa o boetse a re ke tlotla e khoho ho bahlanka ho ba mesebetsing, a ipiletsa ho bona ho sebetse ka thata ho etsa bonnete ba hore sechaba se sebetsoa hantle ka ponaleto.

"Ba bang ba barutehi ba bile ba tsofalla hae ba sa sebetse, joale 'na ke fuoe mosebetsi oa ho tla thusa sechaba sa heso, 'me ke tšepisa hore ke tlii'o o etsa. Ke ipiletsa ho lona bahlanka ba heso hore le tsoaraneng ka matsoho ho etsa mosebetsi." A rialo. O tsoetsepele hore o tlii'o ithokhubeletsa ho bona hore sechaba se etsetsoa litsela le litlhoko tse ling tsa mantlha.

A boela a ipiletsa ho bahlanka hore ba etse mosebetsi oo ba ikanetseng ona e le hore ha ba ea phomolong ba hopoloe ka tsela eo ba neng ba sebetse ka eona, le kamoo bosebeletsi ba bona bo ileng ba fetola Naha ea Lesotho.

Seetsa o itse haeba molao o le teng o reng batho ba se ke ba ipha litš'a, hoa makatsa hore na ke hobaneng tlole eo ea molao e ntse e tsoela pele. A re o be-

laela hore bohloko ke bona bo sa etseng mosebetsi ka nepo. A re ha a tli'o lula ofising, o tlii'o phetha thomo eo a e fuoeng ea ho ntšetsa Naha ea Lesotho pele.

Ho feta mona, Mongoli e Moholo oa makala ana a mabeli, 'Mabataung Khalane, o itse 'muso o bone ho le bohloko hore makala ana a mabeli a sebetse a arohane, 'me a ananela boteng ba matona ao makaleng ao.

Khalane o totobokelitse hore bahlanka ba teng ka litsebo tse fapaneng, 'me seo ba se hlohang ke tšehetso ea matona ao. "Bahlomphehi, ha ke tsebe haeba le hlokomela hore makala ao le a fuoeng a bohloko hakae. Ha ho buuo ka ona, ho buuo ka motho kaha ha ho letho le

etsahalang kahare ho ona le sa ameng motho." A rialo.

A re ha a sheba Lekala la Puso ea Libaka le Borena, litaba tsa bolulo ke tokelo ea mantlha ea botho. "Haeba sechaba sa Basotho se lula libakeng tse hlabisang lihlong, ho bolela hore mosebetsi ha o etsoe hantle. Ha re ea tabeng ea kabo ea mobu, ebe ho ntse ho e-na le batho ba ikabelang ona, ho bolela hore mosebetsi ha o s'o etsoe hantle." A rialo.

Khalane o itse Lekala la Puso ea Libaka le Borena ke lona le tsoereng naha eohle ea Lesotho.

O tsoetsepele hore ha a sheba Lekala la Litaba tsa Lehae, o utloa a seleballoa ke hore ha ho mohla sechaba se sa tletleleng ka litšebeliso tsa lona. "Litšebeliso

so tsa lekala lena li bohloko, hobane bosebeletsi ha bo fihle sechabeng hantle, hape ho na le nako eo litšebeliso li emang ka eona. Taba e tšosang ke hore lekala lena le kopane le sepolesa, empa ke hona moo re bonang bosenyi le botloko-tsebe bo le holimo. Joale ba tla tseba joang ho thusa makala a mang?" A rialo.

Khalane o phethetse ka ho ipiletsa ho bahlanka hore ba khutlele morao ho sheba boitlamo ba bona le ho etsa se nepahetseng.

Ea buileng lebitsong la bahlanka, Kabelo Lethunya, o hlalositse hore bona e le bahlanka ba teng ka litsebo tseo ba nang le tsona, ba tla thaba haholo ha ba fuoa monyetla oa ho li sebelisa, 'me sepheo se ntse se le seng.





TSA KEREKE

St. Cecilia e hlahisa

Staff

“ Jesu Kriste ke tsela ea 'nete e re isang bophelong bo safeleng, e re isang ho Ntate.” Mantsoe ana a builoe ke Fr. Patrick Khali Khoaele OMI, ebile e le mong'a parish ea Mofumahali oa Lefaatše Mazenod, ha thakhola Sehlabelo se Halalelang sa 'Missa ka la 3 Motšeanong monongoa-ha.

Khothatsoang ea hae

komiti

letsatsi le leng le leng, mafutsana a ne a ngoatheloa lijo.

A re ka baka la bongata ba bahloki baapostola ba ne ba imeloa ke mosebetsi ona oa ho aba lijo, 'me ba sitoa ho phetha litšoanelo tse ling tsa kholo tsa bona, joaloka ho rapela le ho khothatsa. Joale ho ile ha khethoa banna ba supileng ba ileng ba fuoa boikarabelo ba ho aba lijo. Har'a badiakone bana, e

'na ea oa, ka baka la lejoe le le leng le khephohileng. Sebe sena se bitsoa sa khopiso. Ke ha motho a sisinya tumelo ea ba bang ka mehlala kapa ka meqoqo ea hae e foshetseng. A khothaletsa phutheho hore e se be bakriste feela ka lisontaha ha ba apere liaporo tsa likopano ka ho fapakana, hobane kopano e tla kamorao. Ba khaotse ho iphathahanya ka tsa lefatše empa ba latele Morena Jesu, e seng ka lisontaha feela empa bophelo



a bontša leha e le mona Kereke 'Ma-rona e re ho qaloe ka sefela se reng: "Hona mona fatšeng lena le lebe," ha ho bolele hore lefatše le lebe, empa le senngoa ke motho.

A re bakriste ba khale ba ne ba ikhethela badiakone ba supileng, ke hore batlatsi ba baapostola, hore baapostola ba se ke ba tlohela mesebetsi e neng e ba tlama e leng ho rapela le ho khothatsa. A re tsena li etsahetse Jerusalema kamor'a Pentekonta. Mosebetsing ona oa bona, palo ea balumeli e ne e eketseha letsatsi le letsatsi. Ba ne ba rekisa lintho tsohle tsa bona 'me ba arolelana maruo a bona kamoo e mong le e mong a neng a hloka kateng,

mong ebile Stefane, eo ebileng moshoele-tumelo oa pele.

Baapostola ba ile ba itsoela pele ho khothatsa pepeneng ka tempeleng lehoja ba ne ba tseba hantle hore ho kotsi, 'me ba ka qetella ba tšoeroe ba shapuo a kapa ba bolaoa. A re baapostola ba ne ba kha-noa ke Moea o Halalelang, 'me sena se ne se etsa hore ba utloisise hore ba tšoanetse ho phetha tsa tumelo eo ba neng ba e fumane ho Jesu, Mora oa Molimo.

A khothaletsa bakriste hore ba atamele ho Morena eo e leng lejoe le phelang. A re lejoe le lahiloeng ke liahi, ke lona le entsoeng la mantlha, la motheho. A re ntlo kaofela e ka

bohle ba bona, hobane ke eena tsela 'nete le bophelo.

A qetella ka ho hloholofatša komiti encha ea Kopano ea St. Cecilia, Maria Mofumahali oa Lefaatše. Komiti e eme tjena: Mookameli-Ntate George Joseph Manaka, motlatsi- 'Mé Valentine Cheoane, mongoli- 'Mé Adelaide Mahloko, motlatsi oa mongoli-Magdalena Khaphioe. Batsamaisi-Ntate Ignatius Ralitsa, 'Mé Catherina Rampeo, Ntate John Lehlohonolo. Ramatlotlo- 'Mé Laetitia Lesole. Litho- 'Mé Clementina Mohapi, 'Mé Aletta Au. Komiti ena e tl'o sebetsa lilemo tse tharo. Binelang Morena, ka makhetho le ka nyakallo.

2025-2026 SELEMO A

SONTAHA SA 6 SA PASEKA



Liketso 8:5-8.14-17
Pesalema 65
1Peterose 3:15-18
Joannes 14:15-21



Khothatso

'Muelli o'a tla

Ho tloha kajeno ho fihlela moketeng oa Pentekonta, Kereke e tla re ruta ka Moea o Halalelang, o lekanang le Ntate le Mora, Borarong bo Halalelang. Re tla ruta le mokhoa oo Moea o Halalelang o sebetsang ka ho rona ka oona le tšoanelo ea rona ea ho sebelisana le ona.

Ka letsatsi la Nyolohelo ea Jesu leholimong, Kriste o ile a bolella baapostola ba hae hore ha ba se ba amohatse matla a Moea o Halalelang, e tla ba lipaki tsa hae Jerusalema, le Judea eohle, esita le Samaria le ho ea fihla lipheletsong tsa lefatše.

Efela buka ea Liketso tsa Baapostola e re bolella kamoo baapostola ba neng ba khothatsa Bajodi le balichaba ka matla kateng e le lipaki tsa Jesu ea tsohohileng bafung. Ba paka tumelo ea bona, e seng ka lipolelo feela, empa le ka ho hlorigo ka baka la Kriste, le ho shoela tumelo ea bona. Moshoele-tumelo oa pele ebile modiakone Stefane.

Kajeno, re utloa litaba tsa modiakone e mong, Filipi, ea neng a thehele motseng oa Samaria. Ba-Samaria e ne e le lira tsa Bajodi. Ba ne ba sa utloane, 'me ba sa buisane ho hang. Ho ile hoa etsahalang joang hore ba amohele khothatso tsa Filipi? Ke matla a Moea o Halalelang a ileng a fetola maikutlo a bona 'me a etsa hore ba lumele 'me ba sokoloho.

Moea o Halalelang oo re o fumanang mohl'a Hlatsuo ea rona, le ha re amaohela sakramente ea Tiiso, o sebetsa ka ho rona, 'me o re tlatsa ka lineo tsa oona tse ngata-ngata, tsa mofuta-futa. O re etsa litho tse phelang tsa Kereke, tse ikemiselitseng ho phetha litšoanelo tsa tsona ka matsatsi o'hle, ka ho phela ka tumelo ea tsona, ho e loanela le ho e shoela.

Moea o Halalelang o ile oa etsa limakatso ho bakriste ba pele. O ntse o etsa joalo le kajeno ho batho ba inehetseng oona ka ho tlala. Joaloka Kriste, Moea o Halalelang o hlonpha bolokolohi ba rona. O tla ho e mong le e mong oa rona ka lineo tsa oona, empa o emetse hore re o lumelle ho sebetsa ka ho rona le ho sebelisa lineo tsena tse makatsang tse ka etsang mehlolo.

Leha e sa bonahale joaloka tšimolohong ea Kereke, mehlolo ena e etsoang ke Moea o Halalelang e nts'e le teng, 'me mang le mang ea inehelang Oona, 'me ea sebelisanang le Oona, a ka paka tse tsothang tse entsoeng ke Moea oa Molimo ka ho eena.

Evangeli ea kajeno e re hopotsa pallo e entsoeng ke Jesu mohla selallo, lihora tse seng kae pele ho mahlomola a hae le lefu la hae. Jesu o re: Moea oa Ntate, 'Muelli, o tla ba le rona ho fihlela bofelo ba lefatše. O tla re thusa ho phehella tumelong, le ho boloka thuto ea hae le melao ea hae.

Ha re reteleha re talima lilemo tse likete tse peli tsa bophelo ba Kereke, re bona hore ehlile Moea o Halalelang o teng Kerekeng ea Jesu. Hobane, lira tsa Kereke li bile ngata 'me li lekile ho e ripitla le ho e felisa, leha meko e bile teng kahare ho eona, le lithuto tse fosahetseng tse hlahang ka nako le nako, leha litho tsa eona, kapa, ka nako e 'ngoe, batsamaisi ba eona, ba ile ba hloka botšephehi, Kereke e ile ea hlola mathata ana o'hle, e ile ea anetsa tumelo le thuto ea eona ho fihlela lipheletsong tsa lefatše, 'me e ntse e tsoela pele ho bopa bahalaleli ka thuso ea matla a Moea o Halalelang o sebetsang ka ho eona.

Ka lilemo tsena tse likete tse peli, mebuso e meng ea lefatše e ile ea hlahla, ea ba ea felisoa, athe Kereke eona e ntse e tsoela pele e matlafalitsoe ke matla a Moea oa Molimo.

Seo Moea o Halalelang o se entseng Kerekeng ka kakaretso, o se etsa ho e mong le e mong oa rona. Haeba re ile ra phehella tumelong ea rona ea Hlatsuo ho fihlela kajeno har'a mathata le meleko, ke ka matla a Moea o Halalelang. Ha re ntse re le tseleng ea leholimo, re tsamaea leseling la Kriste 'me re hana ho kheloha tsela, ke ka matla a Moea o Halalelang. Ha re furalla likhahliso tsa lefatše tse batlang li re lebatsa leholimo, ke ka matla a Moea o Halalelang. Ke 'nete, ka nako e 'ngoe, re ile ra hloka botšephehi, ra oa, 'me ka mohlomong re qetile lilemo tse ngata re ntse re hlahlathela ka thoko ho tsela, empa ha re khutlile 'me re boetse tseleng e nepahetseng kajeno, ke ka thuso ea Moea o Halalelang.

Maikutlo a rona kajeno, e lokela ho ba maikutlo a teboho ho Molimo Ntate le ho Kriste, ea re fileng 'Muelli ea matla ea re matlafatsang nako le nako.

Bahalaleli har'a Beke

- 11 Motšeanong Ansfrid
- 12 Motšeanong Pancras
- 13 Motšeanong Imelda
- 14 Motšeanong Just
- 15 Motšeanong Britwin
- 16 Motšeanong Abdas

Ba etela Mohlakenseng Garden

Tšeliso Thakholi

Lekala la Temo ka kopanelo le la Tikoloho le Meru le ile la memela baphatlalatsi ba litaba, leetong la ho ea bona tšebetso e tsoileng matsoho ea lihlahisoa tsa temo le tsa matsoho e etsoang ke sechaba se ikopantseng, sa motse oa Ha Mohlakoana, ka morero oa bona oa serapa sa temo o bitsoang Mohlakenseng Garden, o tšehelitsong ke Letlole la Machaba la Lithuso la Adpatation Fund. Ketelo ena e bile Ha Makoea Seterekeng sa Quthing, ka la 6 Motšeanong monongoaha.

Baphatlalatsi ba ile ba kopana le e mong oa bathehi ebile e le setho sa serapa sa Mohlakenseng Garden, Mofumahali 'Malebohang Moeketse, ea boletseng hore ba qalile e le litho tse 103, moo ba neng ba nka setho se le seng kahar'a lelapa, empa ha tšebetso e ntse e tsoela pele ba bang ba ile ba 'na ba itokolla ka mabaka a fapakaneng ho fihlela ba sala ba le 42. A re sethathong ba ne ba tšehelitsoe ke Mokhatlo oa Lefatše oa Lijo(WFP) empa oa emisa, ke ha ba tla fumana tšebetso ho tsoa ho Letlole la Lithuso la Adaptation Fund.

O re morerong ona, ba hlahisa har'a tse ling tse ngata meroho e metala ka mofuta eohle ea eona, ba boetse ba ruile likhoho tsa mahe. A re ka thoko le tlhahiso eo ba e etsang serapeng sena sa bona, ba boetse ba na le 'Green Houses' malapeng a bona moo ba hlahisang tamati le meroho ka bongata bo boholo. Ka holimo ho tsohle ba boetse ba etsa mesebetsi ea matsoho e kang ho loha mese, lijesi, likatiba, lilamba le 'track suits' tse mofuthu haholo tsa Mariha.

A tiisa hore boteng ba morero ona oa serapa sa temo o fetotse bophelo ba bona haholo, kaha o qalile pele ka ho ba kopanya, ho ba etsa ngatana-'ngoe e le sechaba se phelang Ha Mohlakoana. Ho feta mona oa ba ruta temo-khoebo, kaha a itse ba ne ba lemela ho ja le ba malapa a bona, empa kajeno ba lemela ho ja le ho rekisa molemong oa ho phelisa malapa a bona. A re morero ona oa bona o ngolisitsoe ka molao le likoporasi, 'me o tsamaisoa ka



melao le melaoana eo ba iketselitseng eona.

A qetella ka hore taba ea bohlokoa eo a e ratang ka ho fetisisa ke ponaletso litabeng tsa lichelete. A re ba arola ka ho lekana pokello eohle eo ba e etsang. A khothaletsa bohle ho ikopanya ka morero oa ho iphelisa le ho phelisa ba malapa a bona.

Letona le lecha la Lekala la Tikoloho le Meru, Mohlophahi Thabo Mofosi o qalile pele ka ho thoholetsa sechaba sa Ha Mohlakoana ka boikopanyo le tšebetso ena e ntle, empa a supa hore ngongoreho e kholo ea hae ke ho bona palo ea banna e fokola haholo kahar'a morero, kaha e le banna ba babeli feela bao e leng litho. "Bo-ntate le ho kae? Le lokela hore ebe le sebetsa le bo-'m'e mona, lea ba thusa moo ba senang matla." O botsitse potso ena a bile a ipiletsa ho banna ho tsoa ka matlung ho tla itahlela la setotsoana litabeng tse ntle tsa ntlafatso ea bophelo ba bona.

A boela a ipiletsa ho bohle ba amehang litabeng tsa temo Seterekeng sa Quthing, ho thusa sechaba ka ho bona hore lihlahisoa tsa bona li ba maemong a ka khahlang baji, e le hore li tle li tsebe ho rekisoa le mabenkeleng a maholo ka-

hare le kantle ho naha. "Lihloai tsa rona thepa ea bona e lokela ho phutheloa ka tsela e makhetha, e ngoloe ka makhetha, e bonahale hore e fela etsoa motseng oa Ha Mohlakoana." A rialo. A khothaletsa hore ka ma-

simo ana a fanoeng ke beng ba ona hore ho etsoe tlhahiso ea temo, ba boele ba fate matamo ba etse tlhahiso ea tlhapi le lifate tsa liperekisi. Lebitsong la Adaptation Fund, Mikko Ollikainen o lebohile bohle ka tšebetso e

babatsehang eo ba ntseng ba e etsa, 'me a ba kopa ho tsoelapele ka mosebetsi oo o motle. A ba tšepisa hore letlole la habo le tla tsoelapele hoba thusa bakeng sa lilemong tse ngata tse tlang.



Ba tsosa Skateboard bocha

Tšeliso Thakholi

Libapali tsa papali e kileng ea bapaloa haholo kahar'a naha lilengoaneng tsa ho feta e bitsoang 'Skateboard', li re sesosa sa ho putlama ha papali eo kahar'a naha ke hobane ho ne ho se mabala moo e ka bapalloang joaloka lina-heng tse ling, le hore esale ho tloha ha e fihla boholo ba batho ba e tšaba, kaha e ne e bapalloa libakeng tse kotsi, tse joaloka; mebileng e meholo kahar'a toropo ea Maseru, moo libapali li ka hlaheloang ke likotsi habobebe.

Tumelo Ramokhethi, e mong oa libapali tsa Skateboard motseng oa Upper Thamae, Seterekeng sa Maseru, o re ho tloha ha papali ena e ne e fihla kahar'a naha, ho fihlela eba e shoa, eena le ba bang ba sehlopha sa habo se bitsoa BM Ryders ba ntse ba e bapala, le ho e rata haholo hoo ba nang le morero oa ho tla e tsosolosa bocha. O re ba etse hloko hore bana ba Basotho ba rata papali ena, 'me ebile ba na le boiphihle-

lo ba ho e bapala. "Empa le kajeno bothata e ntse e le mabala a bolokehileng mol-emong oa bophelo ba libapali. Ha Thamae mona re se re bile re bapalla mebileng e kahare ho motse, e leng kotsi e kholo." A rialo.

O re bona hona joale ba se ba nkile likhato tse matla tsa ho theha komiti ea nakoana e tlang ho theha likomiti tsa tsamaiso metseng e kahar'a toropo ea Maseru, ka morero oa ho holisa papali ena metseng ea toropo e kholo ea Maseru, ebe ba se ba tla namela literekeng tse ling. O re ngoahola ka Tšitoe ba ile ba ea kantle ho naha ho ea ithuta haholoanyane ka papali ena, 'me moo ba fihlileng, ba ithutile hore batho ba ntseng ba le bacha haholo lilemong ba e bapala hantle ho feta batho ba baholo.

A etsa mohlala ka Cape Town, moo a boneng bohlo ba batho ba bacha ba kenyeletsang le ba basoeu ba bapala papali ea Skateboard. "Ka boela ka elelloa hore ke papali e ratoang haholo ke batho ba bacha, kaha ba re e'a hlabolla."

O re hang hoba ba khutle Afrika Boroa, ba ithutile

hore ho ntse ho e-na le batho ba ntseng ba rata papaling ena haholo. A etsa mohlala ka libaka tse kang Qoaling, Motimposo le Mazenod, moo a itseng ba se ba le moralong oa ho theha lihlopha le ho ba abela lisebelisoa tse peli sehlopha ka

A re ba boetse ba ntse ba potoloha le metse ea toropo ho khotlaetsa batho ho ithehela lihlopha tsa papali ena. A etsa tlhokomeliso hore ha lihlopha li se li thehiloe tsa papali ea Skateboard, melao le melaoana e teng e tsamaisang papali. A

hoba ela hloko. "Bothata bo boholo entse e le mabala."

A qetella ka hore leha batho ba bang ba e tšaba ka lebaka la likotsi, e ntse e tšoana le tse ling, e bileng e leng monate ka ho fetisisa eo bana ba Basotho ba ka ipabolang haholo ho eona.



seng ho qalella ho ikoetlisa.

A re hang ha lihlopha tse-na li atleha ba tla qala ho khetha likomiti, kaha hajoale ba tliil'o khetha batsamaisi ba nakoana ba lihlopha.

etsa mohlala ka hore papali ena e lebeletsoe hore e ka bapalloa mebileng e senang sephethephethe se matla sa likoloi, libapali li bile li apere ka tsela eo baqhobi ba tlang

"Hajoale re se re e-na le libapali tse robeli tse arotsoeng ka mekhahlelo e 'meli e nang le libapali tse 'ne. Re tsoile letšolo ho aha papali ena bocha." Ke eena eo.

Ba thabela 'mino oa T-Born



Tšeliso Thakholi

Sebini se tsebahalang sa 'mino oa Sotho Hip Hop, Tumelo Seliane, ea tsejoang haholo selika-likoeng sa 'mino ka lebitso la T-Born, ke e mong oa libini tse ikutloang li tiile 'moko

ke thahasello eo barati ba 'mino ba e bontšang matlapeng a hae a kang; Passion and Restoration, le leo a nang a sa tsoa le ntša ka Tšitoe ngoahola la 'mino oa famo le bitsoang Molisana.

Ka pina e hlahang letlapeng leo, T-Born ke se seng sa libini tse 'maloa tse ileng tsa thabisa barati le batšeh-

hetsi ba 'mino ngoahola ha ba khaola selemo. Khalala ena ha e ne e entse mokete ngoahola, oa lipina tsa li-CD tsa hae kaofela eleng Son Rise1, Son rise 2, The Passion le Sotho Man, holong ea sekolo sa mesebetsi ea matsoho sa Lerotholi, babo-hi ba ile ba bontša thabo e makatsang nakong eo a

neng a bina pina e monate ea Molisana.

"Ka hanong ka mona letšoele le ntse le re: Molisana, Molisana, Molisana! Ena ke taba e khotatsang haholo hobane e fana ka maikutlo a hore batho ba thaleba 'mino oa ka." O tsoetsepele joalo. O re o thabetse tšehetso ena eo a e fumanang letsatsi le letsatsi ho tsoa ho sechaba le ka tšebeliso ea marang-rang, kaha ke sona se mo khannelang ho eketsa matla tlhahisong ea 'mino oa hae.

Matsatsing a kajeno ho batla ho se bonolo ho libini ho phahamisa le ho tsebahatsa 'mino oa tsona ka lebaka la liqholotso tse kang tsa ho hloka botšehetsi ba lichelete bakeng sa lipapatso, maeto a ho itsebahatsa le ho tšoara mekete ea boithabiso, kaha li hloka tsamaiso e tsitsitseng. Khalala ena, ho eena 'mino ha se feela ho tumisa lebitso la hae, empa ke ho arolelana molaetsa oa lipina tsa hae le batho ba bang ka morero oa ho tliša pholo bophelong ba bona.

Mohlankana enoa ea ileng a nyakalatsa batho ngoahola ka pina e monate ea

Molisana, e leng eona e kopantseng 'mino oa Famo le Hip Hop, o ntse a itokisetse ka matla ho tla ntša letlapa le leng le lecha le tukang malakabe. O tiisa hore 'mino o batla batho ba nang le boitelo le ho mamella liqholotso, kaha mamello e tsoala katleho.

Taba e 'ngoe ea bohlokoa e etsang hore batho ba bangata ba rate 'mino oa hae, ke hore ke e mong oa libini tse hlokolosi haholo ha likhetha mantsoe lipineng tsa hae, kaha sepheo ke ho fana ka molaetsa o hloekileng o nang le boithompho e seng ntho e kang ea papali feela. O nka nako e telele ho ngola lipina tsa hae e le h'a batla ho fihlela batho bohle ka 'mino oa hae.

Puo ea Senyesemane eo a e sebelisang 'minong oa hae ke e nang le molaetsa o tibileng, 'me o kenang pelong hamonate e nt'ano chalametsa le 'mele kaofela ka monate o hollang. Ke ka lebaka lena 'mino oa hae o letsoa le ho ratoa ke bohle kante le kahare ho Naha ea Lesotho. O kopile barati bohle ba 'mino oa hae ho tsoelapele ho mo tšehetsa, kaha morero o moholo oa hae ke ho phahamisa naha ea habo ea Lesotho ka 'mino oa hae le ho e tsabatsa 'marakeng oa machaba.

Li nyolohela Premier League



Tšeliso Thakholi

Lihlopha tse peli tsa bolo ea maoto tse neng li bapala Liking ea A Division e leng Mzamane ea Setereke sa Mokhotlong le Kick4Life ea Motse-Moholo Maseru li tlii'o nyolohela Liking ea Lihlopha tse Kholo tsa Vodacom mafelong ana a beke, ha selemo sena sa lipapali se fihla pheletsong.

Mzamane e khutlela Liking e Kholo lekhetlo la bobeli kamor'a ho hapa Liki ea li A Division lihlopheng tse neng li bapala ka Leboea, ha Kick4Life e neng e kene lihlopheng tse kholo eona, e kile ea rekisoa lilemong tsa ho feta e hapile A Division lehlakoreng le ka Boroa. Leeto la lihlopha tse neng li bapala ka Leboea, ha Kick4Life e neng e kene lihlopheng tse kholo eona, e kile ea rekisoa lilemong tsa ho feta e hapile A Division lehlakoreng le ka Boroa.

Ka Boroa ho hliile ha qala ho le boima, empa ea re ha lipapali li ntse li loela ha bonahala ho nyolosetsa hoo Qoaling Highlanders, e neng e shebiloe ka leihlo le nchocho hore ke eona e tlii'o khutlela kahar'a Premier League, e ileng ea khobelana, 'me ea boela ea sala boemong ba bobeli joaloka ngoahola ha e ne e fetoa ke Members, borarong ea e-ba FC Summit ha boneng e le All Aces.

Lihlopha ka bobeli, e leng Mzamane le Kick4Life li thusitsoe ke ho qala lipapali tsa tsona tsa liki ka sekhalala se seholo, 'me ea re ha ho e-ba boima tsa be li bokelletse lintlha tse ngata ka mekotleng, hoba Mzamane e na le lintlha-kholo tse 32 ka lipapali tse 18 tseo e li bapetseng, ha Kick4Life eona e-na le lintlha-kholo tse 30 ka lipapali tse tšoanang.

Bobeli lihlopha tse neng li qale ho kena Liking e Kholo, 'me tse neng li se fihle tsa nyarela feela lihlopheng tse kholo joaloka eona Mzamane, kaha e ile ea kena selemo se le seng eaba e se e tsoile.

Ba loketse hore ho sa le ho cha ba hle ba batle libapali tse seng kae tse nang le boiphihlelo ho tla thusa tse seng li ntse li le teng. Barati le batšehetsi ba lihlopha tse neng li bapala ka Leboea, ha Kick4Life e neng e kene lihlopheng tse kholo eona, e kile ea rekisoa lilemong tsa ho feta e hapile A Division lehlakoreng le ka Boroa.

e Kholo kamor'a ho sebetse ka thata selemong sena



Lihlopha tsa Premier lia koebana

Tšeliso Thakholi

Litholisano tsa Mohope oa Vodacom Premier League o seng o setse feela ka lipapali tse peli hore li fihle pheletsong, li ile tsa tsoelapele mabeleng a fapakaneng kahar'a naha mafelong a beke a la 2 ho isa la 3 Motšeanong monongoaha. Matsatsi ao e bile a lillo le litsikitlano tsa meno sehlopheng se hlahang maemong a borobeli sa LMPS 'Semonye' ha se ne se tokhotsoa ke sa Lijabatho e ntseng e li hula pele lokong ka ntlha tse peli ho lehe.

Haele papali ea Matlama

le LDF, e ileng ea baka lipuo li hana ho fela, moo batšehetsi ba Matlama ba neng ba lla ka tsamaiso e mpe ea moletsaphala ea neng a tsamaisa papali eo kamorao hore a hane ntlha e ileng ea hlajoa ke Matlama, papali ile ea fela bobeli lihlopha li bapetse ka 0-0. Athe Linare e ile ea tsoa ka lesobana la nale ha e ne e sasara Machokha ka phafa e bohloko ea 1-0.

Members e tlokotsing e kholo ea ho tla rathoa ke selepe, e makalitse ba bangata ha e ne e hlola LCS 'Masheshena' ka lintlha tse peli ho e le 'ngoe, papaling e neng e le matla haholo. Leha ho le joalo, ho ntse ho le thata ho mofu ho qoba lebitla! Haele sehlopha sa

sa lipapali sa 2025/2026. Ba isa teboho le hlomphe e khethehileng ho bakoetlisi ba lihlopha tse neng li qale ho kena Liking e Kholo, 'me ba hlokomelisa hore ba lokela ho matlafatsa lihlopha tsa bona.

Ba re ba na le tšepo e tiileng hore lihlopha tse tse peli, li tla sebetse hantle liking ea lihlopha tse kholo, ho latela tsela eo li bontšitsng boitelo ka eona ha li tla hapa liki. Ba re selemong sena ho bile le tlholisano e matla mahlakoreng ka bobeli, 'me ha lihlopha tse neng li bapala ka Leboea, ha Kick4Life e neng e kene lihlopheng tse kholo eona, e kile ea rekisoa lilemong tsa ho feta e hapile A Division lehlakoreng le ka Boroa.

Ba re litaba tse monate

tse ba thabisitseng haholo ke hore selemong sena ha ho eaba le likhang le mefere-fere e mengata, e leng sona se ileng sa ba thusa hore papali e ntlafale li-liking ka bobeli. Ba leboha sehlopha sa Mzamane seo e saleng se tšepahalla papali ea bolo, kaha se tloha hole haholo Setereke sa Mokhotlong. Ba re hona ke boitelo le lerato le leholo la papali ea bolo. Ba Qetella ka hore ba tla tsoelapele ho tšehetsa lihlopha tsa bona ba sa thekesele. Hang ha lipapali tse neng li bapala ka Leboea, ha Kick4Life e neng e kene lihlopheng tse kholo eona, e kile ea rekisoa lilemong tsa ho feta e hapile A Division lehlakoreng le ka Boroa.

Bantu ea Mafeteng, se ile sa bapala ka seahlolo sa 1-1 le Lifofane e bonahalang e kpile mollo selemong sena.

Majantja, eo le eona e bapalang papali e tsoileng matsoho, e ile ea ikutloisa monate ka ho khakhatha Manonyane ka 2-1. Sehlopha sa Lioli se ileng sa bonahala e sa le qalong ea selemo hore ha se na thahasello e kholo ea ho sireletsa mohope, se ile sa teteletsatsa Maroala e seng e ntse e le tlokotsing ea ho khutlela moo e tsoang, ka ho e shashara ka lintlha tse tharo ho lehe. Haele monongoaha Lioli e hle e telle motella ruri ka liki!

Mokoetlisi oa Lioli, Halemakale Mahlaha, o thoholelitse le ho leboha barati

le batšehetsi ba sehlopha sa Lioli ka tšehetso e kholo eo ba e bontšitseng ho sehlopha le botsamaisi ba sona le ha e le mona ba hlotsoe ho sireletsa mohope. A leboha libapali ka boitelo le tšebetso ea bona ka ho bokella lintlha tse ngata ka mokotleng, 'me ho se ho setse hore ba qetele ka ho bokeletsa tse setseng lipapaling tsa bona tse peli tsa ho qetela.

Leha e le mona Lioli e hlotsoe ho sireletsa Mohope oa Liki, litaba tse monate ho bona ke hore e sa tsoa hapa People's Cup, 'me se kiba-kiba ka bokhothokhotho ba chelete e kaalo ka M400,000.00. Mohope ona o ne o bapalloa Bocheletsana tikolohong ea Mantšonyane, libekeng tse peli tse fetileng. E boetse ea khakola Setsi se Seholo sa eona sa boikoetliso sa maemo a machaba. Setsi sena se buletsoe batho bohle ba ka ratang ho ea ikoetlisa le ho ithapolla, 'me ka khoeli ke M400.00 motho ka mong.

Taba li sallane le Lijabatho hore e phethele lipapali tse neng li bapala ka Leboea, ha Kick4Life e neng e kene lihlopheng tse kholo eona, e kile ea rekisoa lilemong tsa ho feta e hapile A Division lehlakoreng le ka Boroa.

